

Ouch sye wir underricht, daz wir hantwergker und gemeynde in der stat Freyberg in unser gnedigen herren lande, alzo weyt und lang dye gewest sin, habin gezogen frey geleytte, ezoll, stettegelt und sulche vorderniß gehat habin vor ander unsser gnedigen hern stete, daz uns daz alles nu entwant ist worden.

1012.

5

*Die Häuer beschweren sich über die gegenwärtigen Bergamtleute.*

[1449 um März 14?]

*Hdschr.: Originalaufzeichnung. Gem. Archiv Weimar Reg. T fol. 219 F 3 No. 1 Bl. 12.*

Von den hauwern verzeichent gegeben.

Item wie bergmeister und zcendener, die sich der bergwercke wol mugen ver- 10  
stehin, hoemutig und sere uppig und gein den luten gantz unbetreglich sin, die hauwer  
und knappen eyn teil von iren berckwercken durch vil wilde wyse gedrungen haben,  
darvon der hauwer vil hinweg uf die Grupen gezcogen sin, und die andern knappen nach  
gemeynlich sagen, wu dieselben ampltute bliben, so wullen sie zcu wettertagen von  
dannan zcihen. 15

Item eyn bergwerck genant zcu den Goltsmyden, das die armen knappen mit  
andern yren gewercken swerlich erbuwet hatten mit hunger und mit kummer, alzo das  
daz ertz, das sie erbuwet hadten, das galt eyne wochen vi ader viii marg, da furen die  
ammechtlute hinin und beschauweten das bergwercke, da waren sie hie und weisten andern  
knappen den obgenannten knappen zcu schaden und buweten teil mit yn. Da waren 20  
die ampltute da und twingen die obgnanten knappen und yre gewercken, daz sie solden  
gewynnen und geweldig eynen schacht iren widersachern zcu gute. Daz taten sie  
nicht rysch. Darumb verzaleten sie sie und verboten yn ere arbeit mit solchen artikeln  
und hinderlist, darmitt sie haben abebuwende macht unser hern burger und die  
gantze gemeyne. 25

Item eyn grube genant der Kursenberg und ander erbgebuw mehirdie gaben  
sie muntzefry. Da clagte wir, sintdemohil daz sie solche erbbuwe muntzefry gegeben  
hetten, darvon so muste unserm hern sein bergwercke verterben. Da sprachen sie, wir  
stunden yn nach yren eren und gutem lewmunde. Da sprachen wir: wir thun is in unser  
hern bestis bergwerckes, wanne wir dach vernomen haben, das unser hern gnade nicht 30  
anders fry had gegeben wanne alde verlegene zcechen und halden und dach nicht  
solche erbebuwe.

Item eyn grube ist genant die Neydecke, die sie auch gegeben haben in unser  
hern fryheid, dieselbe grube auch die armen obgnanten knappen swerlich erbuwet haben  
mit iren gewercken. Da was der bergmeister do und fur in die grube hinder irem wißin 35  
und vant sie mit arbeitender hand. Darnach do her uß der gruben qwam, da leich er  
dieselbe gruben andern gesellen und brochten die andern gesellen von der gruben die  
helffte und yre gewercken. Darmitt sie dach mit solchen artikeln unser hern bergwercke  
fellig haben gemacht, abbuwende — haben gemacht beide burger und mitburger, und die